

潛研堂金石文跋尾

傳青圭問閭百詩金卮文字足以正經史之譌而補其闕此學
始於何代何人百詩考得王肅據子尾尊劉杳據齊景公尊孟
康據王珣張晏據伏生碑晉灼據黎陽碑傳宏仁據齊胡公銅
棺題字顏之推據秦權銘凡七事以爲此外無先之者但王肅
劉杳孟康所據皆無文字則精確者惟四事耳而此外若昭三
年傳叔向引譏鼎銘以證憂不可樂昭七年傳孟僖子引考父
鼎銘以證明德後有達者禮記祭統篇引孔捫鼎銘以證作銘
之義考工記栗氏引嘉量銘以證量之制此見於經者也史記
封禪書李少君識齊桓公柏綏銅器案其刻果然漢書郊祀志
張敞案美陽鼎於識辨爲周鼎此見於史者也若家語載金人
銘大戴禮載丹書銘秦本紀載始皇所立諸碑魏收魏書衛瓘
傳載瓘所立大邢城碑而柏人城西門碑闕且據以爲卽舜

納于大麓之迹凡此皆百詩之所未及舉也然則金石之學自周漢以至南北朝咸重之矣而專著爲一書者則自歐陽永叔始自永叔以下著錄者甚多有專取一體書者如洪氏适隸釋婁氏擬漢隸字原是也有取金不取石者若宣和博古圖及薛氏尚功鍾鼎款識王氏律嘯堂集古錄是也有專取一地者若黃氏叔環中州金石考畢氏沅閩中金石記是也而王氏象之雖稱輿地碑目實限於偏安州郡至葉氏封嵩陽石刻記限於一山黃氏葦菴恆山石墨考限於一廟而潘氏廸石鼓音訓兼氏世昌俞氏松蘿亭考周氏在浚天發神識考鄭氏元慶石桂記釋陳氏鵬年瘞鶴銘考則并專考一碑更爲狹矣凡此皆偏而不全姑勿具論予嘗論其完備者凡六家自歐陽外則趙氏明誠都氏穆趙氏嶠顧氏炎武王氏澍斯爲具體而以跋入文

傳青主問閻百詩金石文字足以正經史之譌而補其闕此學
始於何代何人百詩考得王肅據字尾尊劉杳據齊景公尊孟
康據王肅據晏據伏生碑晉灼據黎陽碑傳宏仁據齊胡公銅
幣通字順之推據秦權銘凡七事以爲此外無先之者但王肅
學青主雖並稱有益經史實難考史爲要蓋漢碑或間足證經
亦須精識慎擇若魏晉以下碑何必作經證哉故知當專取考
史也乃七家中最佳者能考史十之三四其次一二而已下者
至但評詞章之美惡點畫波磔之工拙何裨實學乎竹汀於史
續從鈎貫援據出入既博且精所作二十二史攷異固已得未
曾有出其餘技以治金石而考史之精博遂能超軼前賢論者
動云今人不及古人何哉予曩與竹汀同居燕邸兩人每得一
碑輒互出以相品騰及先後歸田予肆力於史作十七史商榷

於金石未暇別成一書而竹汀獨兼之于才固不逮竹汀遠甚
竹汀顧欲得予言弁其端者豈非以其才雖不逮而意趣則同
故邪丁未冬日同里西莊王鳴盛謨

潛研堂金石文跋尾卷第一

嘉定錢大昕

三代

峒嶼山銘

右峒嶼山銘韓退之賦詩云道人獨上偶見之又云千搜萬索何所有文人寓意不過子虛亡是之流非真有見之者也宋嘉定壬申何子一自言親至泮所模其文于嶽麓書院然當時好古之家皆疑其僞故歷元至明初罕聞于世自楊用脩楊時喬安如山輩展轉翻刻流布海內真以爲古文復出矣予嘗見嘯堂集古錄模漢滕公石室銘文與此絕相似皆宋人僞作

比干墓銅盤銘

右比干墓銅盤銘薛尚功謂唐開元中得于偃師攷諸圖籍卽比干之墓然比干墓在汲縣北十五里宣尼題字或出後人傳

會魏孝文帝太宗碑文具在可證其不在偃師而薛氏遂題爲封比干墓銅盤系之周時母乃信之太過乎張邦基又謂政和中得自鳳翔按汝帖刻于大觀己丑已載此銘政和紀年乃在大觀之後其不足信明矣元延祐閒衛輝路學正王公悅臨摹汝帖刻于墓上推官張淑記之公悅秋澗之子也墓之有此銘實始於元時今所傳者明萬歷中重摹本又非公悅之舊矣此銘文字奇古自非漢以後物其以爲封比干者則無確證但相沿已久姑存其名焉爾

石鼓文

右石鼓文今在國子監大成門左右各五元國子司業潘迪撰音訓刻石立其旁稱見存三百八十六字今距至元己卯又四百二十餘年文之存者僅二百五十四點畫或不具然猶是周

家之故物非有神物護訶安能久而不壞若此哉古文籀文學者不能盡通諸家釋音不無傳會之失楊用脩任意增改尤爲識者所憎至如君子員員邈邈員旂鄭潘說皆不了按古文旂游本一字云與員亦相通楊讀爲君子云獵云獵云游蓋得之矣溝有魚潘氏讀魚爲鯢疑溝有重文愚意魚當是小魚二字小魚合爲魚字猶小大合爲大字也

吉日癸巳

台吉日癸巳四字相傳爲周穆王書在贊皇縣之壇山宋皇祐中宋子京守鎮陽訪此于士大夫閒後有贊皇令劉莊鑿石置趙州解權守李中祐陷置廳事右壁爲文記其事政和五年此石取入內府亂後失所在矣今贊皇儒學有此文右方載李中祐記後題嘉祐己亥歲秋七月丁未望日□石于郝□之廳

壁令趙庠誌蓋宋時翻刻者

秦

琅邪臺刻石

右琅邪臺刻石文已漫漶趙德甫謂頌詩已亡獨從臣姓名及二世詔書尙存熙寧中蘇翰林守密合廬江文勛模搨刻石者卽此本也今惟存皇帝曰以下十行從臣姓名厘存五大夫楊謬一人爾都元敬所藏乃宋荅公刻本止十七字皆頌詩中語與此不同

泰山刻石

右泰山刻石世所傳者僅二十有九字明北平許某于岱頂榛莽中得之陷置碧霞元君宮東廡壁此真秦刻也後人復摹其文別刻石于泰安縣城之嶽廟乾隆戊午歲碧霞宮火而秦刻

遂亡舊榻之存于天壤者有日少之勢此本乃益都李進士文藻所貽視嶧廟重刻本真如優孟之見楚相矣吾子孫其永寶之

嶧山刻石

右嶧山刻石傳刻有數本以西安儒學鄭文寶所摹者爲佳說文攸从攴从人水省秦刻石嶧山文攸作𠂔今石刻作𠂔疑徐氏傳模之誤

漢

五鳳二年刻石

右五鳳二年石刻文曰五鳳二年魯卅四年六月四日成凡三行一十三字按漢書諸侯王表魯孝王慶忌以後元元年嗣三十七年薨則五鳳二年當爲孝王之三十三年與石刻不合予

因取表與本傳反覆校之如魯共王餘以孝景二年立爲淮陽王二十八年薨表與傳並同計其薨年當在元朔元年而表乃以爲安王光之元年表稱文王峻十九年薨而傳作十八年則魯諸王嗣封年歲史文固多牴牾此刻出于當時宜得其實也
居攝墳壇刻字 居攝二年二月

右視其卿墳壇一上谷府卿墳壇一今在曲阜孔子廟相傳自孔氏墓前移置於此此二卿疑亦孔氏之裔也趙德甫不知祝其卿上谷府卿爲何官洪景伯據絲竹江堰碑稱縣丞隸爲王卿又應劭說大縣有丞左右尉所謂命卿三人以證祝其卿之爲縣丞又據武開明終吳郡府丞而武榮碑稱爲吳郡府卿以証上谷府卿之爲府丞 誠辨而核然洪氏卻未見此刻今距洪氏又五百餘年而乃以見之斯亦不足以傲古人矣漢

地理志謂其莽曰亭上亭下亭曰常居攝之時郡縣名
尚未易也

敦煌太守裴岑紀功碑

永和二年八月

右敦煌太守裴岑紀功碑無額六行行十字文云惟漢永和二
年八月敦煌太守雲中裴岑將部兵三千人誅呼衍王等斬馘
部衆克敵全師除西域之疾蠲四郡之害邊竟艾安振威到此
立德祠以表萬世按漢自安帝以後北匈奴呼衍王常展轉蒲
類秦海間專制西域共爲寇鈔及班勇爲長史破平車師西域
稍通順帝陽嘉四年春呼衍王侵車師後部敦煌太守率兵掩
擊于勒山漢軍不利其秋呼衍王復將二千人攻後部破之當
是時呼衍之勢日張而岑能以郡兵誅之克敵全師紀功勒石
可謂不世之奇績矣而漢史不著其事蓋其時朝多秕政妨功

害能者衆而邊郡之文簿墜于上聞故也然千載以後燕然之銘久已漸滅而斯刻獨立於風霜冰雪煙塵沙礫之中經久而不壞豈非神物所護持功雖抑于一時而名乃彰于後代也哉碑向在巴里坤城西五十里今移于城之闕壯繆廟我皇上神聖文武綏定西域天山南北皆入版章官吏銜命撫治其地凡行役于西徼者至此頓宿猶戶牖焉視漢永和之績又卑之不足道矣

孔廟置百石卒史碑

永興元年六月

右孔廟置百石卒史碑碑載魯相平行長史事卞守長擅上公府書漢制王國相置長史一人猶郡守之有丞也卞爲魯屬縣故守長得上行長史事其云守者未正授之名也書首相長史並列其後祇相一人署名史晨碑亦如此式蓋漢時公牘之例

然也前稱司徒司空府後祇稱司空府當時必有故事今不可
考太常有祠曹掾史百官志亦云戴碑云乙君察舉守宅除吏
孔子十九世孫麟廉請置百石卒史一人蓋乙瑛有功于孔氏
者二事察廉一也請置守廟卒史二也洪氏謂麟廉請置百石
卒史一人而乙瑛書言之於朝廷未然矣易說卦傳幽贊于神
明釋文云本或作讚此碑正作幽讚神明可證陸氏之有本也

韓勅造孔廟禮器碑

永壽二年九月

右韓勅造孔廟禮器碑文云遠望之思遠望卽卓爾也云前圖
九頭以什言教後制百王獲麟來吐什言者十言也春秋正義
引易云伏羲作十言之教曰乾坤震巽坎離艮兌消息碑蓋用
其語上二句言贊易下二句言作春秋意正相對要機顧藹吉
皆釋什爲斗文義殊難通矣自皇戲統華胥而下五十二句句

皆四言獨皇戲句五言而皇字特跳上一格書之殊不可解竊意此字後人妄加非本文也

碑陰兩側

右碑陰題名六十有二人兩側三十有二人碑之左方題名者八人有書名不書字者王嵩徐殷是也有書字不書名者庶次公蘇漢明是也有書名兼書字者西門儉元節种亮奉高是也有書名書字而又殊其例者敬謙字季松趙福字元直是也郡縣兼書如潁川長社河南成寧之類碑之常例也有書縣不書郡者魯卞文陽蕃騶薛皆隸魯碑爲魯相立不必更書魯國也東平陸隸東平國非同郡而不書避重出也任城泰山彭城下邳京兆或不書縣者郡所治也若泰山之鉅平任城之亢父彭城之廣戚則郡縣仍兼書也惟曲成侯王昌郡縣俱不書又例

之碑有相行華之陽公百岸世平百有山陽瑕邱九百
元臺三百此公百九百乃碑非出錢之數也何氏姓苑云昔
岱縣人姓九百名里爲縣小吏而功曹姓萬縣中語曰九百小
吏萬功曹是古有九百氏也廣韻公伯複姓有魯大夫公伯察
碑云公百以百爲伯也文陽卽汝陽後漢書王梁傳擊肥城文
陽拔之注文晉汝與此碑正同也碑陰有褒成侯孔建壽碑側
又有孔建壽古人命字多相同非一人而再見也云守廟百石
卽乙瑛碑所置百石卒史也不云卒史者省文猶稱太守曰二
千石也洪氏隸釋有碑陰無兩側都元敬所藏榻本合碑左方
碑陰兩側爲一元敬不能詳攷妄譏洪之誤不知隸釋所載碑
陰本無闕文也兩側題名不載于隸釋元敬自以意讀之外謬
殊甚如以河南匡師爲河浦退師任城亢父爲俟我交父皆大

可笑也

泰山都尉孔宙碑

延熹七年二月

右泰山都尉孔宙碑文云天姿醇淑醇淑卽純淑也云祇薄五教祇傳卽敬敷也銘詞以虔儆二字叶陽唐庚青韻吳才老謂補所未取

碑陰

右碑陰額云門生故吏名三列凡六十有二人每人具書郡縣名字漢碑陰之最謹嚴者惟弟子魯國戴璋不書某縣未審其故漢志泰山郡有華縣續漢志無之方輿紀要以爲并入費縣按三國志稱臧霸太山華人此碑亦有題泰山華者然則後漢元有華縣殆省併未久而復置耳通鑑獻帝興平元年劉備爲豫州刺史屯小沛胡三省注沛國治相縣而沛自爲縣屬

沛國時人謂沛縣爲小沛由此今碑立於延熹末已有小沛之名疑當時縣名固有小字非土俗之稱也魏郡治鄴不治魏此碑籍魏郡魏者二人不稱小魏與沛國小沛書法迥異則小沛爲縣名審矣廣韻十九侯部婁字下引何氏姓苑云母婁氏今琅邪人此碑有母樓覲一人婁樓蓋通用也如盧複姓志氏族者亦失載

執金吾丞武榮碑

右執金吾丞武榮碑武君以孝廉起家遭孝桓大憂屯守元武感慟卽場而亡蓋在建寧改元之初矣續漢書百官志元武司馬主元武門屬衛尉不屬執金吾此以執金吾丞屯元武者固有大喪備非常也漢初舉孝廉無限年之令自順帝陽嘉元年用左雄之言令郡國舉孝廉限年四十以上諸生通章句文吏

能賤矣乃得應選其有異才異行若顏淵子奇不拘年齒由是
廣陵徐淑以年未四十爲臺所詰而罷之矣榮年卅六爲汝南
蔡府君察舉其才行必有過人者以非常格故碑特著其年也
其云仁如不壽者以如爲而也

衛尉卿衡方碑

建寧元年九月

右衛尉卿衡方碑衡氏家于平陸祖父以來世爲大官范史不
立公卿表故方之拜罷年月無考祖左馮翊並佚其名矣云恩
降乾太威肅制（太即泰字）即坤字說文太古文泰義無二
訓故卦名亦可作太也云感背人之凱風陸德明釋文邾本又
作都顏師古注漢書亦云然碑蓋从都而省其邑也云不虞不
陽卽不吳不楊之別古人吳虞多通用泰伯弟仲雍以居吳稱
吳仲而左氏傳論語皆作虞仲是其證也說文吳姓也亦邾

也。一曰吳六言也是吳族之吳與吳越之吳無別體矣。陸德明謂吳說文作吳又引何承天從口下大之說母乃誤讀說文乎。孔氏詩正義謂鄭讀不吳爲不娛人自娛樂必謹詳爲聲。今此碑作虞虞娛亦通用字也。碑又以寬慄爲寬栗聲香爲馨香邵虎爲召虎施爲施誦爲諡尅長尅君尅卽克字。審審王臣審卽審字。樂旨君子旨卽只字。皆鄱陽洪氏所未及舉也。

史晨奏出王家穀祀孔子碑

建寧二年三月

右魯相史晨奏出王家穀祀孔子碑前載史晨奏詞後爲韻語贊孔子之聖也。晨既奏言于朝以其副上太傅太尉司徒司空大司農府漢世郡國奏事之例蓋如此。猶今時題本之有副又有揭帖也。攷是時太傅則南郡華容胡廣伯始太尉則沛國聞人龔定卿司徒則東萊牟平劉寵祖榮司空則潁川鄧許栩季

關大司農卿則不知其人矣

史晨饗孔廟後碑

右史晨饗孔廟後碑刻于前碑之陰文分六節各不相屬前四行紀晨到官謁廟因上尚書請出公家錢奉祀刊石勒銘次四行紀饗孔廟禮樂之盛次二行紀補完里中牆垣修通大溝次二行紀昌平亭下立會市次一行紀治孔濱顏母井次一行紀立夫子冢顏母井舍及魯公冢守吏四人皆史君爲魯相時事也漢書禮樂志祠生茂豫師古讀祠爲通言草木皆通達而生此碑云祠車馬于道上亦以祠爲通也

武都太守李翕西狹頌

建寧四年六月

右武都太守李翕西狹頌文字完好無剝缺由所在僻遠多虎豹之害椎拓者少故也碑前有小字二行云君昔在黿池修陂

欽之道德治精通致黃龍白鹿之瑞故圖畫其象而碑文亦云
三苛符守致黃龍嘉禾木連甘露之瑞蓋洪氏所謂龜池五瑞
碑者本與此碑首尾爲一五瑞圖像當在小字二行之前拓碑
人不知而遺之可惜已李翁在武都吏民立碑頌德不一而足
而後漢書皇甫規傳稱屬國都尉李翁多殺降羌倚恃權貴不
尊法度規到官條奏其罪蓋後來治行或減於前而石刻亦容
有溢美也

間憲長韓仁銘

熹平四年十一月

右漢循吏間憲長韓仁銘金正大中榮陽令李天翼得之京索
間土中令石匠王福再立石趙秉文周臣李獻能欽叔俱有跋
刊於碑之左方今在榮陽縣解漢世重吏治而仁在間憲刑政
得中碑額稱循吏賢之也仁自間憲遷槐里令除書未到而卒

故額不云槐里令也仁既歿司隸校尉愍其短命下河南尹遣吏祠以少牢豎石以旌其美於此見善政之效而校尉風勸良吏之意亦可尙已兩漢書俱作聞喜此獨从心熹喜古蓋通用碑八行每行止存十七八字天翼字輔之固安人登貞祐二年進士歷滎陽長社開封三縣令所在有治聲終右警巡使

州從事尹宙碑

熹平六年四月

右從事尹宙碑云君東平相之元曾稽太守之曾富波侯相之孫守長社令之元子稱曾稱元而去孫字亦叔例也云秦兼天下侵暴大族或居三川或徙趙地漢興以三川爲潁川分趙地爲鉅鑣按史記秦莊襄王元年韓獻成臯鞏秦界至大梁初置三川郡始皇十七年內史騰攻韓得韓王必盡納其地以其地爲潁川潁川之與三川非也

乃鉅鹿郡亦非漢初所分作碑者殆誤矣金石文字記謂鉅鹿之鹿不當從金然廣韻明言鉅鹿郡名後魏弔比干文碑陰有鉅鹿伯魏祐北史有鉅鹿郡守元道龍顧氏特未詳考爾

白石神君碑

光和六年

右白石神君碑今在元氏縣金石文字記以爲在無極縣蓋因碑有無極山之文而誤不知無極三公封龍諸山並在元氏界自漢迄今未始易也碑末有隸字一行云燕元璽三年正月十日主簿程疵家門傳白石將軍敎吾祠今日爲火所燒元璽前燕慕容儁年號此等妖妄之詞公然刻之石上甚矣人之好怪也或疑此碑爲前燕重刻予觀其字體方整已開黃初之先漢隸道逸之格至此小變然慕容儁僞詎能辦此况字體亦絕不

類要爲漢刻無疑矣碑列名者八人常山相馮巡元氏令王翊
名字具書他皆名而不字別于守令也王翊樊瑋二人郡縣兼
書其三人書郡不書縣據史石師則郡縣俱不書洪氏隸釋移
長史于元氏令之前且謂中闕三字蓋洪所得者裁剪裝潢之
本而以意度之爾碑以幽讚爲幽贊無豈爲無疆亦洪氏所未
及舉

郃陽令曹全碑

中平二年十月

右郃陽令曹全碑漢時重清議故雖邊方人士猶知敦孝友以
立名譽若全之重親致歡見于鄉諺亦其一也其稱季祖母猶
言庶祖母也官府所居曰寺碑云燔燒城寺又云開南寺門又
云繕官寺開南門皆以寺爲官廨之稱也漢書地理志酒泉郡
有祿福縣續漢志作福祿晉隋唐諸志皆因之此碑云拜酒泉

祿福長魏志麗清傳及皇甫謐列女傳載麗娥事云祿福趙君安之女又云祿福長尹嘉然則漢魏之間猶稱祿福其改爲福祿蓋在晉以後史無明文以知之矣碑末題中平二年十月丙辰造同年紀編修時嘗疑其僞云後漢書靈帝本紀是年十月有庚寅距丙辰前二十六日天文志十月有癸亥距丙辰後七日其間不得有丙辰日恐是後人妄作予以四分術推之是歲入庚子歲四十一年積月五百有七閏餘二積日一萬四千九百七十二小餘一百三十三天正壬申朔加朔實十一得十月丙申朔丙辰月之二十一日癸亥月之二十八日是月無庚寅庚寅乃九月二十四日本紀誤而碑不誤也今攷定中平二年三年朔日於左

中平二年正月辛未朔

二月庚子朔

本紀二月己酉月十日五行志二月有亡酉庚戌庚戌月十一日又五行志二

月癸亥廣陽城門外屋無故自壞月二十四日本紀作己亥誤

劉寬碑二月丁卯月二十八日

三月庚午朔

譙敏碑三月九日戊寅以歷推之恰合

四月己亥朔

本紀五行志俱有四月庚戌月十二日鄒季宣碑有四月辛亥月十三日

五月己巳朔

六月戊戌朔

七月戊辰朔

八月丁酉朔

九月丁卯朔

十月丙申朔

十一月丙寅朔

十二月丙申朔

三年正月朔

二月乙未朔

本紀二月庚戌月十六日

三月甲子朔

四月甲午朔

鄒季宣碑四月辛酉月二十八日

五月癸亥朔

本紀五月壬辰晦五行志同以歷推之恰合

六月癸巳朔

七月壬戌朔

八月壬辰朔

九月辛酉朔

十月辛卯朔

天文志十月戊午月二十八日

碑陰

右碑陰列出錢人名有鄉三老鄉齋夫門下祭酒門下掾門下

議掾督郵功曹門下賊曹市掾郵書掾門下史塞曹史法曹史賊曹史集曹史金曹史皆縣屬掾史也處士岐茂別爲一行不與掾史並者非其部民也義士五人亦別爲一列在掾史之下無職故也

蕩陰令張遷頌 中平三年二月

右張遷頌其額云漢故穀城長蕩陰令張君表頌張君治穀城有惠政及遷蕩陰令而去穀城故吏韋萌等豎石表以頌之今在東平州儒學碑出于近代都元敬金璫琳琅賞載其文都氏攷稽未審釋文多誤如以籌策爲蕭何之類八月筭人見後漢書皇后紀碑云八月筭民不煩于鄉筭作筭蓋省文而都氏釋作其字亦誤也碑云張是輔漢世載其德爰旣且于君詳其文義謂張氏是卽氏字仕漢世世有德後有興者且于君也顧寧人讀

作爰暨于君以既且爲暨字之誤釋爰爲爰雖本都氏尚在疑
似之閒以既且爲暨乃由臆斷遽識碑爲訛謬豈其然乎漢制
大縣置令小縣置長後漢書王堂傳遷穀城令而此云穀城長
蓋縣之大小亦時有更易也

碑陰

右碑陰四十有一人皆字而不名古人命字有祇一字者此范
巨范成章宜三人當亦其字也范伯口韋德榮韋武章騶叔義
四人不言出錢之數曹全碑陰亦有類是者

石人冑前題字

右石人冑前題字滋陽牛運震云曲阜縣東南五里許張屈莊
西魯王墓前東側一石人介而執笏高五尺腰圍七尺自腰以
下陷土中不可見刻曰府門之口字徑四寸一石人冕而拱手

立領下裂文如滴淚痕高五尺五寸腰圍七尺五寸背刻漢故樂安太守庶君亭口字徑三寸兩石人肩面西向相去者五六步謂此刻也漢制諸郡置太守王國稱相和帝永元七年改千乘國爲樂安國質帝本初元年以樂安國土卑溼租委鮮薄徙樂安王鴻封勃海自後無封樂安者蓋已罷爲郡矣此稱樂安太守其在桓帝以後乎庶姓不詳其所出韓勅碑有故涿郡太守應次公故樂安相應季公皆魯人也則庶固魯之名族矣季公故樂安相桓帝永壽中猶存此刻所云庶君豈卽季公乎季公王國相而追稱之曰太守猶荀淑爲朗陵侯相而文若傳稱朗陵令也

嘉定錢大昕

嘉定錢大昕

嘉定錢大昕

魏

孔子廟碑

黃初元年

右孔子廟碑文帝卽位之初封議郎孔羨爲宗聖侯奉孔子祀
令魯郡修舊廟置百石吏卒以守衛之於其外廣爲屋宇以居
學者故魯人立頌紘之後人以爲陳思王之詞疑未必然也文
稱追存二代三恪之禮兼紹宣尼褒成之後魏志祇載封孔子
後詔書而不及存三恪事乃史之闕漏爾魏伯陽參同契皇上
覽視之兮王者退自改杜篤論都賦受命於皇上獲助於靈祇
皆用尙書惟皇上帝之文以皇上爲天之稱此碑云皇上懷仁
聖之懿德頽延之曲水詩序皇上以敝文承歷陽給事誅皇上
嘉悼沈約安陸王碑文時皇上納麓在辰北魏鄭義碑皇上振

悼唐房彥謙碑皇上情深遺烈贈太師孔宣公碑皇上以聖敬而撫璇圖亮公頌皇上體行鄒魯吳文碑皇上欽腹心之寄少林寺碑皇上睿圖廣運姚崇碑皇上悼焉大照禪師碑皇上將幸于京師則皆以爲至尊之稱矣

東武侯王基碑

景元二年四月

右王基碑碑中斷存下半近洛陽民墾土得之以歷官及薨之年月攷之其爲基碑無疑碑云年七十二而魏志本傳遺之其遷荊州刺史加揚武將軍而本傳作楊烈亦誤廣韻東萊王氏殷王子比干爲紂所害子孫以王者之後號曰王氏此碑云有成父者出仕於齊獲秋榮如孫湫遼難爲萊大夫然則東萊之王系出王子成父成父豈殷之後乎伯輿東州名士康成高弟叙述先世當有傳授韓退之撰王仲舒神道碑云王氏皆王者

之後在太原爲姬姓春秋時王子成父敗狄有功因賜氏厥後世居太原按太原之王皆祖王子晉成父在子晉之前既祖子晉不得更祖成父矣退之誤也

晉

咸和四年甄文

咸和四年八月

右咸和甄文乾隆初武康人蔡方逸者於屋後培土見一穴極深啓之乃古墓墓有七壙壙中無棺槨惟古泉數千枚中一壙有陶盆一盆心凸起爲卮形試以花插之信宿輒生根壙皆甄焚兩面無字左側有咸和四年八月立七字右側無字上側刻是戊二字意其人姓名也三國志是儀北海營陵人本姓氏孔融嘲言氏字民無上可改爲是乃遂改焉儀旣仕于吳子孫散處吳興閭亦理所宜有矣下側刻一錢有好郭郭外復作四出

文甄質物不可爲硯材然典午遺刻存於今者罕矣秀水錢庶子坤一得其二汪舍人康古得其一形製欵識並同庶子嘗揭其文見貽且爲諗其本末

梁

吳平忠侯蕭景碑

右吳平忠侯碑其額云梁故侍中中撫將軍開府儀同三司吳平忠侯蕭公之神道正書而反刻它碑所未有也按梁書景高祖從父弟封吳平縣侯天監十五年加侍中十九年出爲安西將軍郢州刺史普通四年卒于州詔贈侍中中撫軍開府儀同三司諡曰忠梁置一百二十五號將軍四征施于外東南西北是也四中施于內中衛撫護是也碑稱中撫將軍而史作中撫

一宇

後魏

孝文皇帝弔比干文

太和十八年十一月

右孝文皇帝弔比干文金石錄云其首已殘缺惟元載字可識
今樹本字畫完好蓋宋吳處厚所重刻也碑陰下方有記云汲
郡比干墓舊有元魏高祖弔文一篇其體類騷其字類隸久已
爲鄉人毀去賴民間偶存其遺刻再獲刊勒固知興廢自有數
也元祐五年九月十五日左朝請郎知衛州吳處厚記此碑別
體之字最多又經後人翻刻不無失其本真故閒有一二難曉
者處厚言高氏小史載其文以嗚呼介士爲嗚呼分土字之誤
也今高氏小史久亡好古者亦無從是正矣

楊大眼爲孝文皇帝造像記

無年月當在宣武初年

右楊大眼爲孝文皇帝造像記首稱邑主仇池楊大眼云云而

額云邑子像殊不可解魏書本傳云封安成縣開國子北史作安城此記作安戎安戎縣隸略陽郡於仇池爲近當據此以正史文之誤其爲梁州大中正則史所不載也記無年月以大眼所署官推之當在世宗景明初矣云掃雲鋤于天路鋤卽鯨字云震儼歸闕字書無儼字音義未詳

中書令鄭義碑

永平四年

右中書令鄭義碑魏書本傳父基不仕而碑云拜建威將軍汝陰太守當從碑爲是義之使於宋也宋主客郎孔道均就邸設會酒行樂作均問樂其何如答曰哀楚有餘而雅正不足其細已甚矣而能久乎均嘿然移年而蕭氏滅宋此事可補本傳之闕義謚文靈碑祇稱文公者猶諸葛孔明謚忠武而後人止稱武侯舉其美者言之也義字幼隣碑及魏書皆同北史唐書世

系表俱作麟蓋二字可通川六

寧朔將軍司馬紹墓誌

永平四年十月

右銘題云魏故寧朔將軍固州鎮將鎮東將軍漁陽太守宜陽子司馬元興墓誌銘而文中絕無一言及其官位以題已著之也古人文字之簡如此後代罕知此法矣攷晉書河間王欽之名僅於河間王洪河間王顥兩傳內一再見至欽子曇之則晉書並未見其名魏書司馬叔璠傳叙其父曇之爲河間王又不言曇之爲欽子得此碑可補晉書之脫漏碑稱欽諡武曇之諡景叔璠諡簡亦晉魏二書所未及載也元興嘗爲固州鎮將攷魏書地形志無固州之名惟析州有固郡其卽固州與否俱未可知碑書儀使脩諸字皆從彳旁以驟爲對以休爲然以遙授爲姚授皆異文

洛州刺史刁遵墓誌

熙平二年十月

右魏刁遵墓誌遵雍之子也誌載遵歷官始末與魏書刁雍傳略同惟本傳云遵襲爵太和中例降爲侯而前叙雍事但云賜爵東安侯別無進封之又不知何以云例降蓋傳文有脫誤爾碑于遵高祖協曾祖葬皆云晉侍中祖暢云晉中書令而晉書皆無之竊疑雍北歸之後自述其家世以誇耀魏朝或有飾詞不如晉史之得其真故魏書亦不取也遵有子十三人誌惟云小子憇等憇卽整字不及諸昆弟之名蓋遵沒時整兄楷尙俱已先卒古人文字之質而簡如此而諸弟姪不以不列名爲嫌又徵古風之淳厚也誌列三世官爵于首似行狀之式而銘詞之後別云夫人同郡高氏云云皆墓誌之變例也廣韻及通志氏族略並引風俗通以刁氏爲齊大夫立刁之後此誌云彼彼卽憇字

縣胄帝位之

諱

驛代貞賢自唐無晉不知何所據徧檢字書

亦無僅字

魯郡太守張猛龍碑

正光三年正月

右魯郡太守張猛龍碑猛龍者晉西平公軌之八世孫軌祖瑛
魏西中郎將使持節平西將軍涼州刺史軌第三子素晉臨羌
都尉平西將軍西海晉昌金城武威四郡太守皆晉書所未及
軌安定烏氏人而碑云南陽白水人此則當以史爲正者也武
宣王大沮渠謂沮渠蒙遜也碑書萬似爲及按書爲山九似釋
文云似字又作及士喪禮疏引禮緯天子之旗九及諸侯七及
大夫五及士三及及之爲似猶十之爲什古人固相通也

熒陽太守元寧造像記

孝昌二年正月

右石刻首云大魏孝昌二年歲次丙午正月辛丑朔廿四日甲

子熒陽太守元寧仰爲二聖敬造石像一壺是時靈太后稱制
所謂二聖者肅宗及皇太后也元寧之名不見於史其族屬親
疏不可知矣說文熒从焱从火屋下鈴燭之元熒从水熒省聲絕
小水也禹貢滎波字从水左氏傳滎澤字並从火周禮職方氏
其川滎洛今本从水逸周書職方解其川滎雒从火是滎滎固
通用矣漢書滎陽从水自後志地理者皆因之然漢碑書滎陽
皆作熒子所見隋以前石刻熒陽字無从水者北史王劭傳云
大象元年夏熒陽汴水北有龍鬬熒字三火明火德之盛也足
徵當時熒陽字從火不從水也碑以壺爲軀以儀爲儀皆異文

高植墓誌

右高植墓誌存字不及百名惟首書君諱植字子建渤海人
數字題有於青相涼州刺史數字及文中宣武

字可辨識魏書外戚傳稱姑

五州皆清能善稱不言其

涼州蓋史文之闕也相傳康熙中德州第三屯居民得之運河
岸傍田侍郎雯撰長河志籍考始載之云石形高橫三尺厚五
寸四面徧書上云諱植字子建末注神龜元年蓋北魏高植之
墓石也田又作長歌紀之有云屯氏河厓秋雨塌中有片石鏤
文辭殘闕漫漶不易辨亥豕魚魯多支離曰君諱植字子建魏
濟青相司徒兒豈是曹家廢舊物官號封削無臨淄淘洗摩挲
搜石尾下紀年月稱神龜拓跋人代越千載六朝荒碣遺今茲
渤海脩人父名肇北魏高氏從可知按山齋詩已云殘闕漫漶
什不存一今併神龜紀年亦不復可辨矣漢書地理志勃海郡
有脩市縣侯國應劭讀脩爲條又信都國有脩縣顏氏亦音條
周亞夫封條侯功臣表亦作脩侯續漢書郡國志勃海郡有脩

縣故屬信都而脩市之名不見疑併入脩縣矣宋書州郡志始以脩爲蒔魏書州郡志仍作脩而于高湖高聰高肇等傳皆書渤海脩人蓋蒔脩通用矣此碑以蒔爲條而高湛碑又書作蒔攷之於古條蒔脩蒔皆多通用周禮司尊彝凡酒脩酌鄭康成讀如蒔濯之蒔而秋官條狼氏杜子春亦讀爲蒔張平子碑對封樹之蒔蒔蔡湛碑蒔蒔而雲消蒔蒔蒔皆蒔條之轉爾雅釋艸云蒔蒔釋文蒔他彫反蒔他的反又云蒔蒔釋文蒔郭湯彫他周二反顧他迺反故碑或書蒔爲條爲蒔也

魏碑凡外字旁字多作彳

碑今在德州田氏

贈齊州刺史高湛墓誌

元象二年十月

右碑題魏故假節督齊州諸軍事輔國將軍齊州刺史高公墓誌銘乾隆己巳秋德州衛第三屯運河決東岸岸崩得此石文

字尙全宋蒙泉編修以子嗜金石刻也遣人樹一本見貽惜高
君之名不見於魏史乃撫其大略書之君諱湛字子澄勃海滌
人祖冀州刺史勃海公父侍中尙書令司徒公君起家爲司空
參軍事轉揚烈將軍羽林監天平中假驩驤將軍行襄城郡事
尋除使持節都督南荊州諸軍事鎮軍將軍南荊州刺史於時
僞賊陳慶率旅攻圍孤城獨守載離寒暑終能尅保邊陲全口
民境復除大都督行廣州事春秋卅三元象元年正月廿四日
終於家皇上動哀能言灑淚廼有詔曰故持節都督南荊州諸
軍事鎮軍將軍揚烈將軍員外羽林監行南荊州諸軍事南荊
州刺史當州大都督高子澄識用開敏氣幹英發擁攝蕃衛誠
効尅宣臨難殉軀奄從非命言念遺績有悼於懷宜申追寵式
光往烈可贈假節督齊州諸軍事輔國將軍齊州刺史粵元象

二年十月十七日遷葬于故鄉司徒公之塋云云按魏書地形志有荊州北荊州無所謂南荊州者而攷通鑑所載是時東魏尚有東荊州西荊州亦皆志所未載蓋其時干戈搶攘僑置州名甚多史家不能詳也元象二年卽興和元年據魏書本紀是年十一月癸亥改元碑建于十月故猶稱元象通鑑書改元興和在十月癸亥以目錄考之是歲十月辛巳朔不得有癸亥十一月辛亥朔其月十三日爲癸亥則通鑑所書誤矣碑不書遷祖父之名或云當是高肇之子肇爲尙書令遷司徒肇父颺渤海公與碑官位頗合但本傳無湛名未敢定也湛有臨難捐軀之節宜見于史不幸與齊文襄武成同名殆作史者避齊諱故并其事沒之乎千載之後陵谷變易而留此一片石以顯湛之名湛不可謂非幸矣而其

人之手碑亦諱而不書使

人讀其文而不詳其殉難本末則又湛幸中之不幸也

敬史君碑

興和二年

右碑題禪靜寺刹前銘敬史君之碑乾隆初長葛民墾土得之
文尙完好移置縣之陘山書院己卯歲錢塘周君天度以戶部
主事出知許州搦一本貽予讀其文蓋頌潁州刺史敬顯儒而
作寺故潁川太守梁洪雅所建而顯儒修之曰敬史君者借史
爲使也顯儒齊書北史有傳北史云陽平太平人陽平蓋平陽
之誤太平魏書地形志作泰平此碑亦稱平陽泰平與魏書合
史載顯儒歷官殊略以碑攷之釋褐奉朝請靈太后稱制棄官
歸孝莊初還朝封泰平縣開國子除晉州別駕後從齊神武起
兵以功封永安縣侯食邑千戶拜車騎將軍度支尙書轉都官
尙書孝靜初爲汾州刺史轉晉州刺史拜儀同三司驃騎大將

軍潁州刺史大都督潁州諸軍事其次第如此而齊書所云羽林監行臺右都郎中則碑無之蓋顯儁未嘗爲此官故北史亦不取也碑云公名字顯儁而傳云字孝英蓋先以字行後乃別立字爾碑中別體之字如抱作抱后作后戚作戚綱作綱佩作佩儀作儀鵠作鵠整作整喜作喜聯作聯廊作廊服作服其它不能悉數也秦本从水碑从心蓋流俗之譌相承久矣

碑陰

右碑陰題名有功曹中兵騎兵長流城局士曹鎧曹集曹默曹皆府屬官也諸曹不云參軍者省文也隋書百官志有墨曹無默曹借默爲墨也有州都西曹祭酒門下省事皆州屬官也門下不云督亦省文也民望月令黨司三者其義未詳民望多至二十餘人蓋非職官之稱矣其云裒社令者皆從焉

李仲璇脩孔子廟碑

五十一十二月

右兖州刺史李仲璇脩孔子廟碑魏書本傳稱仲璇以孔子廟牆宇頗有頽毀遂修改焉碑蓋述其事而十哲配食孔子實自仲璇始矣其云使持節兖州諸軍事車騎大將軍當州大都督兖州刺史當州卽謂兖州猶云本州也碑叙所歷官云釋褐奉朝請俄除定州平北府法曹參軍仍□□功□諮議參軍事定相離三州長史東郡汲郡恆農三郡太守司徒左長史中散太中大夫營構都將雖兖二州刺史與傳大略相同惟傳云定雍二州長史不云相州又以營構都將爲營構將作則其缺誤也北史但云營構將無作字頗與碑合碑稱仲璇趙國柏仁人本傳作趙郡平棘攷之地形志平棘屬趙郡柏仁屬南趙郡本非一地意者李氏之望出自平棘而仲璇又別居柏仁乎其

云傷河高之莫出高本音鄙借作河圖之圖按廣韻十一模部
圖字下別出高字注以爲俗蓋後魏時已然矣唐張希古墓誌
銘豈高二豎與

災

其云祖習堯舜獻章文武述之爲習憲之爲獻皆異文

太公廟碑

武定八年四月

右太公廟碑穆子容撰文子容魏書北史俱附見穆崇傳而北
史較詳其官平東將軍中書侍郎恆州大中正則北史亦未載
也汲郡尙氏自言太公之裔以晉時盧无忌所立碑僻據山阜
別營祠于博望之亭子容時守汲郡爲文記之山行蓋子容之
字也碑前半刻盧无忌文後半刻子容文趙明誠金石錄有晉
碑無魏碑或趙氏所見乃晉時元刻而未見東魏重刻之本乎
朱彝尊謂汲縣師尙父舊居遺碑一表一表在縣治西南隅范
陽盧无忌爲汲令刻石碑在縣西北三十里廟中穆子容正書

不知西晉之碑。其間有一碑。其文曰。魏之末。人衆潰析。而此碑。以爲真。有一碑。者。不過東魏之本。人衆潰析。而此碑。以爲真。有一碑。也。或云。朱氏明言。石表所在。似曾見晉刻者。予以爲不然。公叔。碑云。盧忌置碑。僻據山阜。今汲縣治在衛水之濱。平衍無山。又當南北之衝。不得云。僻使汲縣果有此表。亦必後人傳會重刻者耳。碑乃子容撰文。別無書者姓名。而朱以爲子容書。朱之疎舛如此。其未見晉刻。審矣。晉書武帝紀。咸寧五年。汲郡人不準。掘魏襄王冢。得竹簡小篆古書十餘萬言。趙明誠据此碑及荀勗按穆天子傳。俱作太康二年。以證史之誤。然晉書束皙傳載此事。亦作太康二年。蓋史家所采。非一書紀傳之相牴牾者。固不少矣。

張景暉造像記

天保五年七月

右張景暉造像記在益都縣北三十五里平昌寺石高七寸分
二層上方尺有三寸下方尺有四寸五分下層字徑六分文云
大齊天保五年歲次甲戌七月乙酉朔十五日己亥平昌縣人
張景暉爲亡父母敬造彌勒佛一軀後爲師僧七世父母皇帝
陛下居家眷屬普爲法界羣生果登正覺凡十六行行四字其
上層刻像中爲蓮花座右男子三人左女子三人傍皆有字曰
張度供食曰息景暉供曰暉息阿喜曰度妻曹曰暉妻孫曰暉
女阿男蓋皆肖其像也左側題張子昂等六人名凡六行乾隆
壬子秋李進士文藻拓以見貽并述其式如此古音微文二部
相近故旂沂之屬从斤得聲暉極之屬从耳得聲周官十輝之
法音運詩庭燎有輝許云切太元經鸞鳳紛如厥德暉如漢安

平相孫根碑光容有曜與民俱協顏說文有暉字無暉字新附
此碑暉字亦作景暉可徵暉本是一字後人讀暉許歸切讀
暉王問切以爲不相通用者非也

天柱山銘

天統元年五月

右天柱山銘光州刺史鄭述祖撰文既淳雅而八分書亦方整
有漢魏人遺法蓋北朝石刻之佳者述祖之父道昭以魏永平
中爲光州刺史述其父義迹狀鐫碑于天柱山東堪石室之內
複製其銘及述祖守光州復作斯銘叙其父治迹可謂風雅不
墜攷北史是歲述祖年已八十一矣耄而好學尤人所難也文
云麗其騁辯之地麗其耆鄭食其也云詔諸佛又詔諸郎時客
也北史述祖傳叙所歷官較齊書爲詳然皆不云車騎大將軍
略之也

隴東王感孝頌

武平元年四月

右隴東王感孝頌今在泰安府肥城縣孝堂山因孝子堂而名也胡長仁武成皇后之兄齊書北史本傳皆不云爲開府儀同三司者缺文也長仁除齊州刺史史皆不著年月惟北史本傳載天統五年從駕自并還鄴因及和士開之譖及長仁到任謀刺士開士開與祖孝徵議遣使馳驛責長仁賜死事通鑑遂以長仁刺齊州及賜死俱繫之天統五年四月不知其非一時事也今觀此頌立于武平元年四月稱新除特進使持節齊州刺史蓋其時長仁始到任又攷隋書五行志武平四年四月隴東王胡長仁謀遣刺客殺和士開事露反爲士開所譖死則長仁之死又在其後四年而通鑑之說雖差矣長仁之爲人

驕恣寡謀英人

之

取

一

無

事

爲

人

之

死

之蓋未見其好名也噫秦漢而下躬行而不名者鮮有其人矣世之不好名者皆專于好利者也二者之好執優孰劣故吾子長仁此事而節取之焉金石文字記載此碑題曰孝子郭巨墓碑蓋未見篆額而以意名之也

朱岱林墓誌

武平二年二月

右朱岱林墓誌銘今在青州府壽光縣之田劉村岱林字君山樂陵濕沃人曾祖霸魏使持節平州諸軍事安遠將軍平州刺史擁鄉里三千餘戶降于宋值元嘉之末不獲其賞仍居青州之樂陵郡祖法舉秀才釋褐南平王府行參軍遷尚書祠部郎中司徒府諮議參軍事贈鴻臚卿父孝祖起家樂陽縣令轉北海太守君山嘗徵爲廣陵王國常侍又爲彭城王主簿普泰中卒以齊武平二年二月塋按岱林兄元旭魏書有傳其餘南兗

州刺史則傳所未載岱林官不大顯其弟叔璩通直散騎左光祿大夫亦不得附書何也弱官安遠將軍平州刺史傳既失書而以曾祖爲祖則誤之甚矣岱林不樂仕進與黃門郎徐紇善而不爲紇所維繫可謂能避患矣而卒不免爲羣盜所害士大夫遭亂世而不及於禍豈非天幸乎誌文云第四子敬脩自惟羅此荼毒眇然咳幼離奇以生龍鍾而止磬茲鄙拙式序徽猷思與泣俱文兼涕落從父兄敬範沈懷好古尤工構屬勒銘黃壤以播清風蓋誌爲子敬脩所撰而銘詞則出於猶子敬範文皆雅贍在魏齊之間可稱高手漢書地理志濟南郡有般陽縣師古音盤魏書地形志作盤陽此碑作槃陽古字皆通用也碑書間闕爲闕欄廷尉爲廷慰清潤爲清瀟以衍干帝干作杆皆

臨淮王像碑 武平四年六月

右臨淮王像碑首題大齊武平四年歲次癸巳六月乙未朔廿七日辛酉建文云使持節都督青州諸軍事驃騎大將軍青州刺史司空公寧都縣開國公高城縣開國公昌國侯臨淮王者婁定遠也齊書本傳惟云瀛州刺史不及青州而和士開傳云出定遠青州刺史正與碑合可補本傳之闕定遠以是年六月造像成立碑明年爲穆提婆所誣縊死事佛之福安在哉

周

華嶽頌

天和二年十月

右華嶽頌方紐于瑾撰趙文淵字德本書文淵稱奉勅瑾不稱奉勅者碑文云爰詔史臣爲之頌則奉勅可知也文淵書字而瑾不書字其義未曉周書唐瑾傳不云加大都督趙文深爲

避唐諱

傳不云爲車騎大將軍皆闕也朱錫鬯謂賜姓万紐于者洛陽則于謹猗氏則樊深匪特唐瑾也按于謹之先出自北方居万紐于山因以爲氏魏孝文時改姓于氏凡代人南遷者例稱河南洛陽人周書長孫儉長孫紹遠斛斯徵元定元偉及于謹等皆稱河南洛陽人蓋以此也大統十五年詔諸代人太和中改姓者並令復舊故于謹仍稱万紐于氏非漢人賜姓者比而錫鬯儉之唐瑾樊深誤矣碑文云大統七年歲在旂蒙旂蒙當與旂蒙同稽之通鑑實辛酉歲爾雅歲在辛曰重光非旂蒙瑾豈別有所据耶碑引易天險不可升作阡字

隋

龍藏寺碑

開皇六年十二月

右恆州刺史

小國公爲國勸造龍藏寺碑以公禮撰都太僕金

瑾琳琅具錄其文以予所藏拓本校之則都氏之訛者五六字
都氏所有而今磨滅者十餘字公禮此文徵引內典富贍不減
頭陀寺碑在當時必以文學名而史家傳文苑者不及焉士之
韞才藝者莫不欲身後名而往往泯滅無稱如公禮者何可勝
數乃知古人蒐討金石之文其於表微闡幽不爲無助也其云
太師上柱國大威公之世子使持節左武衛將軍上開府儀同
三司恆州諸軍事恆州刺史鄂國公金城王孝霁歐陽永叔趙
子函以爲齊周隋諸史皆無之以予攷之蓋王傑之子孝僊也
周書傑金城直城人宣帝卽位拜上柱國追封鄂國公諡曰威
子孝僊大象末位至開府儀同大將軍碑書僊爲僊蓋字體之
偶異傳不云襲鄂國公則史之闕也其仕隋爲恆州刺史在周
書固不當載而北史亦未增入此爲缺漏矣文稱勸獎州內士

庶登万人等又稱九重堂柱之設皆以壹代一字按禮記節以壹惠鄭注壹讀爲一正義云上壹是齊壹下一是數之一二也經文爲大壹之字鄭恐是均同之理故讀爲小一取一箇善名爲諡耳讀此碑知壹之代一隋時已然故唐初撰正義者有大壹小一之語耳銘詞云邨魯姚俗汝穎慙能與臺材來協韻蓋才能之能古讀奴來反隋時古音猶存也

龍藏寺碑陰

右龍藏寺碑陰及左右兩側題名字畫完好歐趙諸家俱未之見壬午歲予奉使過真定宿龍興寺秉燭訪斯刻見碑陰兩側皆有題字乃募工榻而藏之題銜有云前城皋郡丞者隋書地理志滎陽縣舊置滎陽郡後齊改曰成皋郡開皇初郡廢城舉卽成皋也又有云恆州曹從省事云真定縣卽省事

考汝百官志州縣吏有不知何地也下一所入不邑那陞蒲吾零壽行唐滋陽九門諸縣維那姓名或不具以俟續刻也書井陘爲那陞者按廣韻那字不注那那地名卽井陘也其書零壽爲零壽則他書所未有也

東阿王廟碑開皇十三年

右東阿王廟碑叙子建封爵與史多同惟本傳云黃初二年貶爵安鄉侯其年改封鄧城侯三年立爲鄧城王四年徙封雍邱王太和元年徙封浚儀二年復還雍邱三年徙封東阿六年二月封爲陳王碑於黃初三年之下云四年改封東阿王則誤以太和之四年爲黃初之四年又中脫徙封鄧城浚儀雍邱諸事其傳稱薨時年四十一碑作三十一按傳建安十九年太祖征孫權使植留守鄴戒之曰吾昔爲頓邱令年二十三思此時所

行無悔于今汝年亦二十三矣通鑑考異引此文云植今年年二十三則死時當年四十一矣本傳云三十一誤也今讀此碑則知隋以前其本已誤故碑亦承其誤而今本乃作四十一者後人因溫公之言追正之耳碑文云父操魏太祖武皇帝昆丕魏高祖文皇帝於父字上空一字武皇皇字上空一字丕字上空一字碑又稱齊孝昭皇帝皇字上空一字至皇建二年係年號不應空格亦空一字蓋書碑之人不學無術故有此失也文稱齊朝皇建二年蒙前尊孝昭皇帝恢宏古典敬立二王崇奉三恪據北齊書在皇建元年八月未知孰是碑書黃中爲黃內避隋諱又以博愍爲博敏旣如爲旣而兆瑩爲兆瑩玉閨爲玉潤又書其詞粵以粵爲日與太公碑正同銘詞四章章皆八句獨首章多惟王二字王阮亭居易錄載此文疑惟王之上尙有

缺文乃於其詞下空六格又不知與曰通而以粵字接惟王
爲句皆謬也

舍利塔下銘

仁壽元年十月

右舍利塔下銘在青州城南廣福寺孟弼八分書甚佳其文與
金石文字記所載同州塔銘正同惟彼云同州武鄉縣大興國
寺此云青州逢山縣勝福寺爲異爾碑末列名者勅使大德僧
智能侍者曇誓侍者善才勅使羽騎尉李德謐四人爲一行長
史邢祖俊司馬李信則錄事參軍邱文安司功參軍李佺四人
爲一行皆正書唐沙門道宣廣宏明集載仁壽元年六月十三
日立舍利塔詔其略云朕歸依三寶重興聖教思與四海之內
一切人民俱發菩提共修福業使當今見在爰及來世永作善
因同登妙果宜請沙門三十人諳解法相兼堪宣導者各將侍

者二人并散官各一人薰陸香一百二十斤馬五匹分道送舍利往前行諸州起塔其塔所司造樣送往富州僧多者三百六十人其次二百四十人其次一百二十人若僧少者盡見僧爲朕皇后太子廣諸王子孫等及內外官人一切民庶幽顯生靈各七日行道并懺悔率土諸州僧尼普爲舍利設齋限十月十五日午時同下入石函總管刺史已下縣尉已上自非軍機停常務七日專檢校行道及打刹等事務盡誠敬稱朕意焉是歲分送舍利之州凡三十不特青州與同州也二銘文既同則諸州胥視此矣王劭撰舍利感應記云青州于勝福寺起塔掘基深五尺遇磐石自然成大函因而用之及舍利將入瓶內有光乍上乍下卽謂此塔也

淮安定公趙芬碑

右淮安定公趙芬碑碑已斷失其上半又無題額其敘世系官
閥可攷者云淮安定公繼之云公諱芬字士□云十一世祖融
字稚長云曾祖琰祖賓育或頻贊藩維或□□□云公炳靈
特挺氣稟純粹云中書舍人尙書兵部郎云加儀同三司仍長
史徵入朝歷御伯納言云治夏官府司馬封淮安縣開國子前
後任熊淞二州刺史云開皇五年除蒲州刺史加金紫光祿大
夫云乞骸聽以大將軍淮安公歸第仍降璽書兼賜几杖云二
月十二日寢疾薨于京師之太平里第按隋書芬傳稱封淮安
縣男而碑稱淮安縣開國子傳不載芬諡而碑云定公其以大
將軍歸第傳亦不書皆可補史之缺漏此碑前人未有著錄者
子于京師琉璃廠市中得之如獲珍珠船矣

海陵郡公賀若誼碑

右靈州刺史海陵郡公賀若誼碑止存其上方十之三四所載世系歷官雖不全證之隋書本傳無甚牴牾惟誼祖伏連襲爵安富公則隋書與北史俱未之及

李世民造像記

大業元年五月

右李世民造像記文云鄭州刺史男李世民遇染時患比開大海寺有雙王像治病有驗故就寺禮拜其患乃除便于此寺願造石彌勒像一鋪與趙子函石墨鐫華所載祈疾記文字頗異年月亦殊時方尊信佛法而文皇又爲神堯愛子宜乎佞佛之舉不一而足也子函據史稱高祖爲譙隴岐三州刺史不云鄭州謂可證史之闕予按舊唐書高祖紀大業初爲滎陽樓煩二郡太守滎陽郡卽是鄭州大業三年始改州爲郡刺史爲太守然則未改以前固當云鄭州刺史矣石刻從當時本稱史據其

改後稱之非有闕文也

陳明府修孔子廟碑

大業七年七月

右陳明府修孔子廟碑濟州秀才前汝南郡主簿仲孝俊作文
孝俊嘗爲晉州司法見北史隋庶人諒傳陳明府叔毅宣帝之
子陳時未有封號故史不爲立傳其名僅見于四十二男之列
陳氏宗室官于隋者姚思廉皆載於本傳叔毅爲曲阜令以無
傳而不得書則其它之失載者尙多也隋之用法刻深諸王功
臣多以法死上下相蒙媼安旦夕而國因以速亡獨平陳之後
自長城公以下皆得及于寬典猶有君天下之度焉大業初諸
陳子弟官守宰者徧天下史家謂由宮掖之寵故優其族屬則
亦非出於大公之心矣詩概之釜鬻說文作甌碑作漈漈字字
書未載

潛研

文獻尾卷第三

嘉定錢大昕

唐

觀音寺碣 武德五年

右觀音寺碣今在汜水縣秦王世民平王世充竇建德班師駐
輶廣武值夜雨作東南雲際光中見觀音菩薩金身乃建此寺
工訖樹碣以紀其歲月時武德五年也舊唐書陸德明傳王世
充平太宗徵爲秦府文學館學士尋補大學博士不云爲國學
助教者略也碑云駐輶不稱蹕者避至尊也

虞世南書孔子廟堂碑

右孔子廟堂碑虞世南書有二本一在西安府學一在城武縣
學皆非元刻城武本書銜以相王旦爲相臣王旦則誤也碑文
有云俛尔微嘆俛尔者莞尔之別體集韻覓尔笑貌或作莞院

碑作晚則又晚之譌也廣韻集韻俱以咲爲俗字伯施名家不免雜以俗體蓋小學不講久矣碑又以覆簣之字作匱攷漢書王莽傳成不一匱小顏引論語未成一匱解之班固典引並開迹于一匱章懷注亦引此語則古者簣與匱通

贈徐州都督房彥謙碑

貞觀五年

右房彥謙碑文云高祖法壽立功歸魏封莊武侯使持節龍驤將軍東冀州刺史薨贈青州刺史謚簡侯魏書北史法壽傳俱云謚敬侯又以東冀州爲冀州稱平遠將軍不稱龍驤將軍皆其脫誤至青州刺史本贈官而隋書彥謙傳遂云青冀二州刺史尤未核也北史法壽傳云賜爵壯武侯子伯祖襲例降爲伯而其下云子翼襲爵壯武侯當爲伯字之誤碑雖不載例降之說而稱伯祖襲爵壯武侯翼襲爵壯武侯伯正與傳所謂例降者

合隋書謂伯祖與翼並襲許壯武侯則考之不詳

隋書唐書元

宰相世系表俱云

碑稱彥謙遷鄆州司馬尋以州廢解任攷地理志鄆州之廢正在大業初而本傳云彥謙知王綱不振遂去

官者史家之飾詞也果爾何以復應司隸刺史之召且爲涇陽令乎唐初史臣以元齡之故爲其父立佳傳讀其文似子姓所述行狀未必皆實錄姑以一事論之如傳稱開皇平陳之後天下一統論者咸云將致太平彥謙私謂所親曰主上性多忌尅云云而唐書元齡傳中亦有避左右告父之語大指相同今碑亦未載斯事蓋史家因元齡之說而傳會之以是歸美其親而已碑云安措于齊州亭山縣趙山之陽按亭山縣本名衛國開皇六年改名唐元和十五年省入章邱今爲章邱西南境

睦州刺史張琮碑 貞觀十三年二月

右睦州刺史張琮碑出於近時趙子函願寧人二家於秦中
石刻搜剔最夥亦未見斯碑也琮字文瑾武威姑臧人釋褐隨
奮武尉除新鄧令潁川郡丞唐初授驃騎將軍上開國改左衛
中郎將從征劉武周授左三總管事平除左衛長史從征王世
充寶建德劉黑闥天下既定授上柱國封南安縣開國侯檢校
參旗軍副又檢校左領左右中郎將貞觀元年授太子左衛率
檢校右武衛將軍左領軍將軍四年授雲麾將軍十年授銀青
光祿大夫行睦州刺史十一年十二月之任薨於宋州館舍諡
曰懿公此其歷官本末也曾祖誼魏驃騎將軍涼州刺史黃門
侍郎散騎常侍武威郡公祖嵩周驃騎將軍鄜城郡太守死王
事贈上柱國瀛州總管河北莊公父辯隨上柱國秦州總管渾
州總管左武衛大將軍河北郡開國公祖母李景皇帝之女贈

信都郡大長公主母竇隋文帝之甥夫人長孫文德皇后之姊
琮家世貴顯姻連天家且有從征之功而姓名不載於新舊史
非神道碑復出于千有餘年之後琮且泯沒以終古矣用是知
名位之不可恃而昔人求能文善書以不朽其親者非無碑也
韓退之誌張季友墓云其上世有焉者當宇文時爲車騎大將
軍鄆城太守卒薨河北諡曰忠公與碑所稱官諡小異此碑時
代尙近宜得其真隋書地理志上郡後魏置東秦州後改爲北
華州西魏改爲敷州大業二年改爲鄆城郡今觀此碑則周時
已有鄆城郡之名矣文云駢其冢窆以駢爲駢以窆爲突也云
建德餘孽以孽爲孽也云哥爾岐于全吳以哥爲歌也云茂鄧
林而哥幹以幹爲幹也云未嘗富貴嬌人以嬌爲驕也云高窆
瑤池以窆爲窆也

歷城縣千佛崖石刻

歷城縣東南神通寺北千佛崖有唐人石刻五其一有大唐武德字及栞門僧字文多漫滅其一首題大唐貞觀十八年僧某又云越竭衣鉢又云石像兩軀蓋記造佛像事文亦缺其大半矣其一云大唐顯慶二年九月十五日齊州刺史上柱國駙馬都尉渝國公劉元廟諱意造口像供養其一云南平長公主爲太宗文皇帝敬造像一軀而題顯慶二年于上方攷唐書公主傳太宗女南平公主下嫁王敬直以累斥嶺南更嫁劉元意又劉政會傳子元意襲爵尙南平公主與石刻合唐制帝姊稱長公主南平蓋長于高宗矣史稱元意高宗時爲汝州刺史不知其官刺齊州也其一云大唐顯慶三年行青州刺史清信佛弟子趙下八宗文皇帝敬造船彌陀像一軀顯四夷順命家國

安寧法界衆生普登佛道造之爲船從古文也國字玉篇集韻
諸書皆無之讀斯刻知以國爲國唐初已然矣益都李進士素
伯寓歷城拓以遺予按前人著錄無及之者書之用說好事君
子

晉祠銘

貞觀二十年正月

右晉祠銘太宗御製并書書法與懷仁聖教序極相似蓋其心
摹手追乎右軍者深矣元和郡縣志晉祠一名王祠周唐叔虞
祠也在晉陽縣西南十三里志又稱晉祠碑在乾陽門街貞觀
二十年太宗幸并州所置又有起義堂碑明皇御製并書亦在
乾陽門街今堂之遺址無考而碑亦失所在獨此銘山西人猶
知重之山西罕拓碑手故流傳於江南者少不若聖教序之家
蓄一本也其云陳蒼之祠虛傳夜影蓋用陳倉寶夫人事蒼倉

古通用也

三藏聖教序并記慈恩寺本

永徽四年

右三藏聖教序并記在西安府慈恩寺塔下序記各爲一碑皆楷遂良書其書序自右而左記自左而右古人之不拘恆式如此故筆法能極其工也兩碑皆建于永徽四年一在十月一在十二月而遂良題銜一稱中書令一稱尚書右僕射上柱國河南郡開國公殊不相合攷唐書宰相表遂良以永徽元年罷中書令三年拜吏部尚書同中書門下三品四年進尚書左僕射舊史遂良傳亦同惟以左僕射爲右僕射此碑正作右僕射可証表左字之誤其稱中書令者王元美以爲出于後人附益理當然也

三

顏川定公韓仲良碑

永徽六年二月

右相川定公韓仲良碑于志寧撰王行滿書仲良新舊書俱附
見於子琰傳所書歷官甚略碑叙次頗詳文雖剝落尙多可辨
今具書之曾祖演魏征虜將軍恆州刺史祖褒魏侍中周使持
節開府儀同三司原涼二州總管□□少保三水貞伯父紹周
昌樂郡守隨字隋儀同三司驍騎將軍衛尉少卿金崖縣開國公
公由國子學生仁壽中被舉授吏部朝散郎大業元年除河東
郡司功書佐唐高祖授銀青光祿大夫馮翊郡丞加左光祿大
夫授大理少卿三年奉使入蜀勅便宜從事尋授陝東大行臺
左丞五年判天策府從事劉黑闥反除元帥府長史策功授上
柱國復攝天策府司馬又攝吏部侍郎九年轉陝東大行臺戶
部尙書又除安州大都督貞觀元年詔授戶部尙書三年改刑
部尙書授右光祿大夫秦州都督府長史總檢校王府事封顏

川縣開國公貞觀十二年薨于安興里第春秋五十七詔贈兵部尚書諡曰定公永徽五年贈太子少保唐書宰相世系表以紹與仲良列于一行似仲良爲紹之弟誤矣歐趙諸家俱未載此碑近三十年來碑估訪求得之始行于世

三藏聖教序并記

顯慶二年十二月

右三藏聖教序并記門下錄事王行滿書今在河南之偃師縣碑末云奉勅宏福寺爲招提寺蓋避太子名而改也字與褚本異者象爲像蹟爲跡並同懷仁本此書稱爲禪懷仁本又轉从禾旁猶蘭亭序書誤作稊也民仰德而知遵緒改民爲人以避廟諱此與懷仁本却不避蓋緣太宗御製之文故可不改爾高宗所撰記褚本題云述三藏聖教序記此但云述聖記亦異

濟度寺尼法願墓誌

龍朔三年十月

右濟度寺尼法願墓誌法願俗性蕭氏梁武帝之六葉孫唐故司空宋國公瑀之第三女校漢書諸侯王功臣外戚諸表元孫之子卽爲六世瑀爲梁武帝之元孫而其女稱六葉孫蓋從漢表之例也瑀好浮屠法嘗請于太宗欲捨家爲桑門自度不能爲乃止而其女及女孫相繼出家于濟度寺可謂宗風不墜矣

紀國先妃陸氏碑

乾封元年十二月

右紀國先妃陸氏碑妃河南洛陽人年十有三歸于紀國貞觀十七年詔冊命爲紀王妃生東平郡王續等六男江陵縣主等八女麟德二年六月廿六日薨于澤州之館舍春秋卅有五詔陪葬昭陵以乾封元年景寅十二月壬辰朔九日庚子葬于陵南二十二里唐書紀王慎子續琮徽秀獻欽證宗室表有續琮琮庄徽秀獻欽曠澄十人傳作證表作澄字形相涉而訛耳

碑惟云六男其餘非妃所生也河南陸氏本出代北步六孤氏後魏太和中改爲陸氏與望出吳郡者源流各別妃之父爽官尙書庫部兵部二曹郎中隋時有太子洗馬陸爽其子法言撰切韻爲後世所宗與此非一人也

汶江縣侯張阿難碑

咸亨二年九月

右張阿難碑文殘缺阿難嘗爲謁者監內給事封汶江縣開國侯食邑六百戶左監門將軍銀青光祿大夫行內侍知其爲宦者也碑末云咸亨二年九月廿日瑤臺寺僧似是善字□書而以咸亨爲咸亨則下筆之誤也書法遒逸似王知敬楮登善

三藏聖教序并記

咸亨三年十二月

右三藏聖教序并記宏福寺沙門懷仁集王右軍書元奘以貞觀元年遊西域十八年始還得經典六百五十七部奉勅于宏

福寺翻譯元英表求御製序凡再請乃許焉二十二年序成
命宏文館學士上官儀於明月殿對羣僚讀之元英奉啓陳謝
賜勅褒答已而皇太子復爲撰記元英啓謝東宮亦賜教答褚
王所書惟序與記尔此復附以答勅及教并心經於後蓋右軍
真跡世不多有而集古人書愈多則愈難此懷仁之以多自誇
也舊唐書元英傳顯慶元年高宗令左僕射于志寧侍中許敬
宗中書令來濟李義府杜正倫黃門侍郎薛元超等共潤色元
英所定之經國子博士范義頤太子洗馬郭瑜宏文館學士高
若思等助加翻譯此碑列潤色諸臣名獨無杜正倫不知何故
也

薛公阿史那忠碑

上元二年十二月

右薛公阿史那忠碑醴泉縣志云存七百餘字予所藏本僅存

二百餘字所書事跡與本傳略同惟突厥傳稱太宗立阿史那思摩爲可汗詔左屯衛將軍阿史那忠爲左賢王左武衛將軍阿史那泥孰爲右賢王相之而其後又云右賢王阿史那泥孰蘇尼失子也始歸國妻以宗女賜名忠及從思摩出塞思慕宗國見使者必流涕求人侍許之又併忠與泥孰爲一人前後自相牴牾則其謬也

天后御製詩及書

永淳二年九月

右天后御製詩一首御製書一首后從駕幸少林寺觀其母楊營建之所追慕作詩復遣其姪三思資金絹等物續成功德而以書遺寺僧也唐書后妃傳后母楊再封代國夫人以后故寵日盛徙封榮國又徙鄴衛二國咸亨元年卒追封魯國謚忠烈俄又贈土護太原郡王魯國忠烈夫人爲妃此所以有先妃之

稱予外戚傳樂國卒后出珍諸建佛遺徽福不云徒封節衛未
知孰是又攷永淳元年三月立重照爲皇太孫開府置官屬有
太子而立太孫非禮之正候有自我作古之語知敬以司門郎
中爲太孫諮議諮議參軍事乃王府官之稱而東宮無之然則
當時太孫府所設官屬其名略與王府同史傳不載其詳不可
得聞矣

新息令某君墓誌

光宅元年十一月

有新息令某君墓誌今在沙河縣無撰書人姓名題目及首二
行並磨泐故失其姓氏名字其文叙述先代有云飛鉗辨士威
六國而騰英握節忠臣□□□□疑其姓蘇也君以文明
元年四月廿五日終夫人張氏以文明元年五月廿四日終卽
以光宅元年歲次甲申十一月二日合窆于嘉泰鄉之平原

之史是年正月中宗改元嗣聖二月被廢立睿宗改元文明
月改元光宅則新息君實未踰年而薨故云卽也唐書地理志
新息縣武德四年置息州貞觀元年州廢以縣屬蔡州史無隸
鄭州之文此誌云宏道元年加君鄭州新息縣令疑當時必有
改隸之事而史失載爾其云地極膏腴者膏腴之誤也書極爲
樞後魏石刻往往有之

王徵君臨終口授銘

李拱二年四月

右王徵君臨終口授銘弟紹宗甄錄并書唐書儒學傳紹宗兄
元宗隱嵩山號太和先生傳黃老術卽徵君也紹宗長于書當
時以虞伯施比之紹宗自言聞虞被中畫腹與子正同其自負
亦不淺矣今觀此碑楷法圓勁結體似褚河南而鋒穎不露殊
得永興三昧洵唐刻之極佳者趙德甫去唐未遠藏弄石刻至

二千卷之多此碑近在嵩少間乃未若干錄何也

澤王府主簿梁府君并夫人唐氏墓誌

垂拱四年十月

右澤王府主簿梁府君并夫人唐氏墓誌四品孫義陽朱賓撰
文五品孫榮陽鄭莊書其云四品孫五品孫者唐書選舉志三
品以上蔭曾孫五品以上蔭孫孫降子一等此朱賓鄭莊二人
法當蔭叙而尚未得官故以四品孫五品孫署銜他碑所未有
也碑文云父柱皇朝奉義郎考唐書百官志有奉議郎無奉義
郎蓋二字可通用也府君以出貲助轉餉永隆二年恩詔授上
柱國上柱國爲勳級之最而官止王府主簿攷之杜佑傳佑上
議曰魏置柱國當時宿德盛業者居之貴寵第一周隋開授受
已多國家以爲勳級擬得地三十頃耳可見唐時勳級甚濫雖
階視正二品人猶輕之故選舉志凡勳官選者上柱國正六品

叙梁府君以朝議郎正六品階而任王府主簿從六品職職舉
于階故云行也明嘉靖中大學士嚴嵩辭加上柱國疏謂上之
一字非人臣所宜居國初始設此官亦不輕授乞特免此官仍
著爲國典以昭臣節詔允所辭而以其子世蕃爲太常寺卿當
時諸臣相率爲諛佞如此曾不知改唐宋故事殊可嗤也然諂
而不學終不免於及禍君子以是知詐忠之無益矣

右虞候副率乙速孤神慶碑

載初二年二月

右右虞候副率乙速孤神慶碑文云龍朔元年歲次癸亥二月
戊午朔校癸亥乃龍朔三年非元年也又以通鑑目錄攷之龍
朔元年二月丙寅朔三年二月乙酉朔俱非戊午朔碑版之文
所紀年月宜得其真而低輅如此殊不可解然此碑決非後人
所能僞作也神慶嘗爲右衛勳二府郎將按唐書百官志親衛

之府一曰親府勳衛之府二曰勳一府曰勳二府朔衛之府二
日朔一府曰朔二府凡五府每府中郎將一人右左郎將一人
是其職也神慶祖安爲周右武侯右六府驃騎將軍父晟唐右
武侯右廿府左車騎將軍六府廿府之名於史無考

珍州榮德縣丞梁師亮墓誌

萬歲通天二年三月

右珍州榮德縣丞梁師亮墓誌元和郡縣志珍州貞觀十六年
開山洞置并置夜郎麗泉樂源三縣別無榮德之名惟漆州有
榮懿縣漆與珍接壤而德懿字形亦相似豈榮懿卽榮德之誤
而榮德又嘗改隸珍州乎然無他文以証之矣唐書地理志謂
元和二年珍州廢縣皆屬漆州攷元和郡縣志珍漆各自爲州
尙未改併吉甫堯于元和九年十月故志所載有八年九月事
而珍州之廢志無其文則唐志以爲元和二年廢者又未可信

也師亮以出貲助轉餉永隆二年授上柱國興澤王府主簿梁
君同又云起家左春坊別教醫生攷百官志左春坊藥藏局有
郎丞侍醫典藥藥童無云別教醫生者惟大醫署有醫博士及
助教掌教授諸生然則師亮殆以醫助教入侍宮坊者歟又云
調補隱陵署丞攷唐六典隱章懷懿德節愍惠莊惠文惠宣七
太子陵署各令一人丞一人又唐書儒學傳亦云隱章懷懿德
節愍四太子並建陵廟分八署置官列吏卒是知隱陵者隱太
子建成之陵太子陵不別立名以諡爲名也此胡三省通鑑注
所闕

榮陽縣令盧公清德文

神龍三年五月

右榮陽縣令盧正道清德文前中書舍人內供奉劉穆之墓題
云大唐洛州榮陽縣頭陀逸僧識法師上頌聖主中興得賢令

盧公清德之文碑爲識頭陀及鄉人劉虔獎王虔福等所立而以頭陀之名特標于題唐人之崇釋氏而不知大體如此適足取笑後世爾唐書中宗紀神龍三年二月改中興寺觀爲龍興內外不得言中興碑立于是年五月未嘗諱中興字蓋其時主昏於上而公議自在大書深刻近在畿甸三思崇訓之威力不能禁也碑有云鴻漸于磐鷺遷于木按詩鳥鳴嚶嚶鄭氏訓兩鳥聲與鷺字義異然唐人以鷺出谷爲詩題此碑以鷺遷對鴻漸則固皆以爲鳥名矣正道仕至鄂州刺史見唐書宰相世系表

法苑法師碑

景龍三年五月

右法苑法師碑法苑中宗之三從姑太祖景皇帝之元孫女也父臨川公德懋嘗官宗正卿兵部尚書諡曰孝皆史所不載史

稱永徽二年襄邑王神符薨而碑云六年薨與史不合據碑法
琬以襄邑王堯之歲奏請出家時年十有三垂拱四年卒春秋
卅有九今以永徽六年年十有三推之祇四十六歲耳竊意神
符薨于永徽二年史文未必誤其年德懋請捨所愛女爲父
所福奉勅聽許而法琬之出家則在其明年年始十三也碑以
二年爲六年特書者之誤爾碑爲左衛翊壹府翊衛劉欽旦書
翊一府者五府之一以壹代一唐時公牒已多用之矣

長安縣丞蕭思亮墓誌

景雲二年二月

右雍州長安縣丞蕭思亮墓誌文云景雲二年歲次丁亥攷是
年乃辛亥書者之誤也思亮曾祖翹梁貞毅將軍郢州刺史新
興侯梁書南史俱不載其爲梁宗室與否不可攷矣顏惟貞者
魯公之父嘗從舅氏殷仲容授筆法以神隸擅名此誌楷法秀

逸疑卽惟貞所書文猶沿唐初駢偶之習有云孔門之無功卽
聞詩楊氏之烏童而擬易屬對殊可喜也

田義起石浮圖頌

太極元年四月

石碑題大唐易州石亭府左果毅都尉薊縣田義起石浮圖頌
太極元年四月八日建爲文者歷陽丞王利貞也攷唐書地理
志易州軍府有古亭無石亭蓋字相涉而誤爾府兵之制唐中
葉已廢地理志所載諸府名已不能詳雍州置府百三十一志
止得其十一餘皆逸之此碑末載義起弟義冲雍州興國府右
果毅都尉於是又知有興國府之名故史家不可以不博聞也
碑以薊爲薊亦異文

兖州都督于知微碑

開元七年六月

右兖州都督于府君碑府君名知微字辯機燕國公志寧之孫

也碑書志寧所歷官頗詳其云秦王友禮部尚書新舊史皆未載又云蒲岐華三州刺史新史則云出爲榮州刺史改華州以蒲爲榮又不云岐州是其缺誤也碑叙先世譜系及諸子俱與宰相世系表合碑稱知微高祖義周涇州刺史隨瓜潼充邵四州刺史涇州總管而表云隋潼州總管碑稱曾祖宣道周儀同大將軍隨內史舍人左衛率上儀同皇朝贈涼州刺史表惟云隋上儀同舊書志寧傳惟云隋內史舍人而已是其異也碑云京兆萬年人而史云京兆高陵人當以碑爲正金石錄以碑文爲姚崇所撰今漫減不能辨矣

鎮軍大將軍吳文碑

開元九年十月

右鎮軍大將軍吳文碑失其上半有云長戟榮于司宮高門聯於寺伯又銘辭云詩徵孟子相舉王稽知其爲內侍也文之中

內給事及內常侍其子或官內常侍或官內僕局丞或官掖門局丞身爲宦者何由有兒而子孫相承至于四世蓋權勢所在必由附麗以進內侍之養子恆爲內侍謬種流傳理之所宜有者降至末季遂有以士大夫而願爲中官養子者矣其云公夫人之願命願不合於雙棺則文妻未嘗合葬也史載高力士娶呂元晤女李輔國娶元擢女而文亦有妻李氏然則唐之宦者固多有妻以宦者而抑良家以爲牀合誼宜以同穴之禮責之也哉

奉先寺大盧舍那像龕記

開元十年十二月

右大盧舍那像龕記云佛身通光座高八十五尺二菩薩七十八迦葉阿難金剛神王各高五十尺高宗天皇大帝所建皇后武氏助脂粉錢二萬貫始于咸亨三年四月以上元二年十二

月昇功調露元年八月奉勅于大像南置大奉先寺二年正月
大帝書額而記文之後附開元十年十二月牒云勅旨龍花寺
宜合作奉先寺蓋調露賜額本云龍花寺記作于開元中追稱
爲大奉先寺爾婁機漢隸字原云漢碑凡元亨字皆作享至子
孫享之之類又皆作亨攷之九經字樣凡元亨之亨享獻之享
烹飪之烹說文作亨亦作𠂔只是一字經典相承隸省作享者
音響作亨者音赫平又音魄平後人復別出烹字其實皆可通
用也予初見張阿難碑書咸亨爲咸享疑其下筆之誤今此碑
亦作享又唐書杜審言傳稱咸亨初蓋唐時雖用楷書猶存篆
隸遺法咸亨卽咸亨正是從古朱錫鬯跋誤作咸淳不知高宗
紀元有咸亨有永淳無咸淳也記末題進士都仲容記字體頗
不類左旁又有政和六年題字以筆法驗之如出一手皆宋人

御史臺精舍碑

開元十一年

右御史臺精舍碑中書令崔湜任殿中侍御史日所纂至開元十一年湜得罪貶死已久而梁昇卿追書之其文章爲世所重如此文云左臺精舍者諸御史譙羣愚之所作也長安初湜自左補闕拜殿中侍御史至止之日其構適就蓋自武氏稱制告密之法熾羅織之經行日殺無辜如割羊豕其後周興侯思止來俊臣之徒相繼伏誅用刑稍平而歲繫臺獄者猶以千計於是執法之吏於獄旁作精舍假佛法以懺之雖云導人作善迨災亦痛逝者之含冤地下不得已而爲資其冥福也若崔隱甫爲御史大夫掘去臺獄乃在昇卿書碑之後距立精舍之時已遠朱錫鬯跋以爲去臺獄而列精舍攷證亦太疎矣

碑陰碑額兩側題名

右碑陰題名侍御史殿中侍御史監察御史各爲一列惟侍御史盧懷慎殿中侍御史崔湜監察御史陸景初三人名亦昇卿分書餘皆正書昇卿題名凡再見亦正書也碑額空處監察御史常著崔宣皇甫衡等六人名亦八分書乃後人續題非昇卿筆其餘亦皆正書碑陰之額有天寶元載已後知雜侍御史題名碑左右側亦有題名俱正書而字體大小工拙不均先後亦無倫次

內侍高福墓誌

開元十二年正月

右內侍高福墓誌麗正殿修撰學士校書郎孫翌字季良撰云府君諱福字延福渤海人由奚官丞秩滿遷本局令稍轉宮闈令兼謁者監以子力士有功特拜朝議大夫守內侍員外置遷

中大夫正除本官開元十一年十二月卒夫歛之日天子遣中使隨弔賜絹三百匹按唐書力士傳力士本馮盎之曾孫中人高延福養爲子史不云名福者以字行也碑云頃國步多艱而守謀立順謂誅蕭岑等功也尹知章傳季良偃師人一名翌仕歷左拾遺集賢院直學士趙冬曦傳與校書郎孫季良入集賢院修撰碑稱麗正殿修撰學士者開元十三年始改麗正修書院爲集賢殿書院其時尙未改名也季良以字行故書名兼及其字

王無競墓誌

開元十二年十月

右太子舍人王無競墓誌今在萊州府東關文云公生于齊長於魏不忘吾黨常操土風嗣子日新等奉成先志以開元十二年歲次甲子十月丁亥朔廿三日己酉徙殯于魏國葬于東萊

之□□夫人范陽盧氏祔焉從周也康熙間萊人培土得此石
止存後半數行姓字官闕俱不可見畢湖目以文苑英華攷之
知爲無競墓誌其文則孫述所撰也文苑英華本稱嗣子某不
載其名又云以開元十六年某月某日徙殯于館陶此誌作十
二年且具列其月日文亦間有異同當以石本爲正

右武衛將軍乙速孤行儼碑

開元十三年二月

右右武衛將軍乙速孤行儼碑行儼神慶之子也金石錄所載
又有乙速孤晟碑今已亡矣惟神慶父子兩碑歸然獨存乙速
孤氏名不見于正史而家世譜系更千百年班班可考古人欲
揚其親而刻石以託不朽詎無益哉行儼以神龍二年墨制授
右武衛將軍員外置同正員墨制猶云墨勅不由中書門下而
出自禁中者也中宗之世政出多門後宮貴戚墨勅斜封凡員

外同正試攝檢校判知官大都以賄得之行儼殆亦以賄進歟
晉濟興國黃城三軍府之名唐書地理志皆無之予嘗得田義
起石浮圖頌始知興國爲雍州百三十一府之一其二府則未
知在何州也

興唐寺主尼法澄塔銘

開元十七年十一月

右興唐寺主尼法澄塔銘嗣彭王志陳撰并書志陳嘗爲宗正
卿唐書宗室世系所未載也志陳女彌多羅出家爲法澄弟子
而法澄祖父亦皆列官于朝蓋唐時朱門世胄無不欽信佛法
以帝女之貴且有出家學道者其它固難悉數矣文云如意之
歲淫刑肆逞誣及法師將扶汝南謀其義舉坐入宮掖中宗和
帝知名放出蓋武后時嘗沒爲宮婢者古人命字或取三字如
張天錫字公純敬崔宏度字摩訶衍之類法澄字无所得亦三

字也

代國長公主碑

開元二十二年十二月

右代國長公主碑碑云公主字花婉而傳作華婉又云肇開湯沐冊號永昌後乃相攸下歸于鄭錫之美邑一千四百戶開元初加崇代國長公主傳不書封邑之數而開元初加號長公主亦略之未免失之簡矣攷唐書十一宗諸子列傳云開元後天子敦睦兄弟故寧王戶至五千五百岐薛五千中王四千邠府千八百帝妹戶千而公主傳鄔國公主開元初封邑至千四百戶此碑所載代國公主食邑亦千四百戶則公主封邑未嘗以千戶爲限也 金仙長公主碑亦云邑一千四百戶

大智禪師義福碑

開元廿四年九月

右大智禪師碑舊唐書方技傳義福以開元二十年卒有制賜

號大智禪師。葬于伊闕之北。送葬者數萬人。中書侍郎嚴挺之爲製碑文。卽此碑也。義福卒于開元廿四年夏五月。而傳云二十一年誤。

濟度寺尼惠源和上神空誌

開元廿五年十一月

右濟度寺尼惠源和上神空誌。京兆府倉曹參軍楊休烈撰。姪定書。惠源宋國公蕭瑀之孫女。父鉞。給事中。利州刺史。宰相世系表作鉞。不云爲利州刺史者。脫誤也。文云。曾門梁孝明皇帝稱曾祖爲曾門。未詳其義。定官至太常卿。鉞之孫也。姪者。對姑之稱。後世昆弟之子。於世父叔父亦稱姪者。乃相沿之失。顧魯公於伯父元孫稱姪。男未免蹈俗。若定之稱姪爲合于古矣。浮屠之法。然骨而瘞之于塔。此獨云神空者。蓋墓而不塔也。誌稱惠源將死。謂其門人曰。身沒之後。于少陵原爲空邊。吾神也。又

稱以十一月旬有二日從事于空遵理命也理卿學釋氏者猶治字不忍然如之慘而不用其法而民俗乃有惑于火葬者其亦無是非之心矣

易州鐵像頌

開元二十七年五月

右易州鐵像頌像爲刺史盧暉字子晃所造碑立之時暉已遷瀛州矣碑末云開北山通車道三所官坐鎮白楊谷棧院置縣三五廻樓亭板城每驛旁造店一百開抱陽寺造長廊一百卅間移高陽軍營入城造廳及廊宇二百開清水碾四所已上並盧君造次元和郡縣志五廻縣開元二十三年刺史盧暉奏置枉五廻山東楚因名之二十四年刺史川琬以其險隘東遷于五公城在今易縣西五十里樓亭板城二縣元和志不載蓋天寶後縣已省也元和志又云高陽軍在州城內開元二十年置

蓋亦盧暉所奏矣唐書地理志潁州有長豐渠開元二十五年刺史盧暉自東城平舒引潁沱東入淇通漕溉田五百餘頃魏州有西渠開元二十八年刺史盧暉徙永濟渠自石灰窠引流至城西注魏橋以通江淮之貨然則盧君固當時之能吏所至皆以興建爲務者矣

莒公唐儉碑

開元二十九年

右莒公唐儉碑在醴泉縣殘缺金石錄云開元二十九年儉曾孫追立今可見者有皇唐開元廿數字耳其叙先世有云高祖岳後魏□州刺史又云邑齊□□□□□僕射尚書令錄尚書事晉下闕又云散騎常侍隋□□□□□□□州刺史晉昌郡公按本傳祖邑北齊尚書左僕射父鑒隋戎州刺史宰相世系表儉父義字君明隋應州刺史安富公與傳不同此碑儉父

名已闕州刺史之上亦闕一字惟碑稱晉昌郡公而表云安富
公則表誤矣據表儉之高祖曰令世又不載其官位此云高祖
岳北魏爲州刺史亦當以碑爲正碑雖斷裂不能讀其可識者
以文義求之與本傳事跡多合惟碑云封新城縣公尋改晉昌
郡公史不載新成之封碑云加鴻臚卿史亦不載碑又云人多
唐鄙惟尉遲敬德頗識事機公示之以安危告之以成敗大意
述儉陷劉武周時密說敬德使降唐而新舊史俱不書者疑其
非實錄也

真容應見記

開元二十九年六月

右真容應見記東武趙氏題爲夢真容碑武功蘇靈芝書今傳
於世者有二本一在盤屋縣一在易州予皆得之文字行款皆
同惟勅內兵部尙書兼侍中牛仙客盤屋本作張九齡蓋後人

惡仙客名輒磨去矣以九齡易之爾舊唐書禮儀志開元二十
年閏四月元宗夢京師城南山趾有天尊之像求得之於盤屋
樓觀之側正指此事志稱二十年當作二十九年傳寫有脫文
也當是時九齡去位已久諫諍之臣卷舌佞諛之言盈耳帝既
夙好神仙妄念所感形于夢寐蓋求治之志荒矣卒之果有幸
蜀之禍慶流萬葉享祚無窮夢中之語詎有一驗哉李成裕唐
書無傳天寶十載以宗正少卿奉命祭北嶽安天王見舊史禮
儀志

金仙長公主碑

開元中

右金仙長公主碑公主睿宗之女以丙午歲度爲女道士其時
睿宗尙爲相王王女止稱縣主也通鑑景雲元年十二月上以
二女西城隆昌公主爲女冠以資天皇太后之福仍欲于城西

造觀諫議大夫寧原悌上言釋道二家皆以清淨爲本不當廣營寺觀勞人費財今二公主入道將爲之置觀不宜過爲崇麗取誘四方上覽而善之二年五月更以西城爲金仙公主隆昌爲玉真公主各爲之造觀逼奪民居甚多用功數百萬唐書公主傳太極元年與玉真公主皆爲道士築觀京師以此碑攷之則金仙入道已久惟築觀之舉當在景雲以後耳玉真初號隆昌唐書作崇昌者史家避明皇諱追改之也胡三省云金仙玉真二觀皆造于京城內輔興坊玉真觀本寶誕舊宅與金仙觀相對今據此碑公主薨于東都開元觀是西京東都各有所住之觀矣唐書百官志皇姑爲大長公主姊爲長公主女爲公主猶不及皇妹予攷諸碑刻代國卽國涼國金仙俱號長公主未必皆爲明皇之姊恐皇妹亦得稱之也

北岳恆山封安天王銘

天寶七載五月

右北岳恆山封安天王銘文載天寶三載上元庚寅加封中嶽三方詔書舊唐書本紀載此事在是年正月正合獨以庚寅爲乙亥則誤也明皇以垂拱元年八月生歲在乙酉納音屬水故碑云北嶽水正也乙酉水命也大君有命如彼北嶽鼎然不渝也碑稱安祿山銜曰縣騎大將軍員外置同正員兼范陽郡長史御城郡太守平盧節度支度營田陸運兩蕃四府河北海運兼范陽節度經略支度營田副大使採訪處置使兼御史大夫上柱國柳城縣開國伯常樂安公攷唐六典武階二十有九驛騎大將軍從一品蓋武臣之最貴者文武散官不聞有定員此二員外置同正員者未正授之詞耳廣韻羌複姓有同蹄氏碑有司功參軍汝南同蹄兢同蹄卽同蹄之異文蓋羌種而散處

汝南者也

千福寺多寶塔感應碑

天寶十一載四月

右千福寺多寶塔感應碑魯公之書模楷百代獨此碑後人尤睹之幾於家有一本矣康熙中碑石斷銘詞缺佛知見法爲五字空王可托本願同七字損歸我無空四字末行缺大夫行內侍趙思七字予所藏者尙是自餘年前搨本較之近時搨者鋒穎猶存眞可寶也

內常侍口志廉墓誌銘

天寶十三載六月

右內侍省內常侍口府君墓誌銘朝議郎行陝郡平陸縣尉申堂構撰文林郎行文部常選上柱國南陽韓獻之書今在咸陽縣文字完好而府君之姓獨剝落誌文口口口之第六子亦闕三字蓋爲人椎去攷其文云吳稱帝業飛龍鬱起于江東漢辟

賢臣易道超來于北海疑其族出孫氏也志廉官中常侍階也
正五品下生平無他表見既沒之日詔贈粟帛中之弔祭喪事
人力借供於是知明皇之崇寵宦者踰越常制以啓一代闢賢
之禍所由來漸矣唐六典無文部常選之名舊唐書職官志天
寶十一載改吏部爲文部新書亦同斯碑立于天寶十三載故
曰文部所謂常選者不知何官攷宰相世系表有吏部常選又
有兵部常選意其爲選人之稱爾銘詞云堂堂雅重蓋雅量之
誰與下玉卮有當協韻否則失韻矣堂構丹徒人有詩名殷遙
選其詩入丹陽集史稱其爲武進尉不云平陸尉也

東方朔画像贊碑陰記

天寶十三載十二月

右東方朔画像贊碑陰記其云河北采訪使東平王若安祿山
也平冽李史魚二人名見唐書祿山傳碑建于天寶十三載

冬其明年祿山亂作矣

張希古墓誌 天寶十五載四月

右左衛馬邑郡尚德府折衝都尉張希古墓誌唐之府兵皆隸於諸衛左右衛領六十府諸衛領五十至四十其餘隸東宮六率此尚德府則左衛所領也尚德府領于左衛而又稱左龍武軍宿衛者蓋番上宿衛時別有配隸非必就本衛爾唐書地理志馬邑郡無尚德府蓋史之闕佚希古子二人俱武部常選天寶十一載改兵部曰武部故也